

Prologus in vitam beati Brunonis confessoris primi institutoris ordinis Carthusien.

**N**on solum dominū in sanctis eius: sed etiam ipsos sanctos in domino laudare iubemur: sicut scriptum est. Laudemus viros gloriosos. et parētes nostros: in generatione sua. Homines diuites in virtute: pulchritudinis studiū habentes: pacificantes in domibus suis. Quorū corpora in pace sepulta sunt: et laudem eorū nunciat ecclesia. Laudemus inquā. et verbo ac imitatione dignos laude monstremus: viros. sic a virtute dictos. non quidē viatores: cum veritas dicat. Meminē salutaueritis in via. Sed gloriosos: scilicet in gloria iam receptos: et de sua immortalitate securos. Et parentes nostros spirituales: quorū fidem et opera imitari debemus: et quorū doctrina et exemplis. deo geniti sumus: secūdu illud apostoli: Per euangeliū ego vos genui. In generatiōe sua: id est. secūdu ea que fecerunt in vita sua. Homines diuites in virtute. Nam virtutes vere diuitie sunt: que violenter auferri nō possunt. Pulchritudinis studium habentes: per verā fidem. et debitam ordinationē cogitationū: affectionum. et operum. Pacificātes: id est pacem habētes in domibus suis. Quorū corpora. in expectatiōe pacis perfecte. que dabitur in resurrectiōe: sepulta sunt. Et laudem eorū nunciat ecclesia. Eorū videlicet exempla. et gloriosa facta narrando: ad dei honorem. et aliorū informationem. Hoc est enim illud iuge sacrificiū: quod in dei ecclesia. sine intermissione offertur. Sacrificiū acceptabile: holocaustum pingue: non hircorum. aut vitulorū: sed laudis. Dum scilicet laudatur deus in sanctis ei⁹. ab homine quē creauit: quē redemit: cui et regnū celeste promisit. Hoc est sacrificium deo gratum: credentibus vero vtile et necessarium. Necessariū quidē: cum per prophetam dominus dicat. Immola deo sacrificiū laudis. Et vero gratum et acceptabile: quia sacrificiū laudis. inquit: honorificabit me. Nobis aut vtile: quia illic ostendam illi salutare dei: christum scilicet. qui caput est oīm sanctorum: et merces eorū. Laudemus igitur dilectissimi fratres. dominū in sanctis eius: et precipue in hoc beatissimo patre nostro Brunone. cuius hodie festiuitas agitur: qui nos in christo genuit: qui vite viam nobis in heremo preparauit: et viuendi normā. suo exemplo monstrauit. Et quis eum vt dignum est. laudare non sufficiat.



## Vita beati Brunonis

mus: ab eius tamen laude cessare non debemus. Exaltemus itaque eum. et laudemus quantum possumus: quia maior est omni laude. Mirremus mirabilia eius que fecit: et annunciemus inter gentes opera eius: ut ex eis glorificetur deus: et ut nos eum quem patrem. habere mereamus in terris: socium et confratrem. et nos adiuvantibus meritis et precibus. habere mereamur in celis.

Explicit Prologus

### Incipit vita Beati Brunonis.

**T**emporibus Gregorij septimi. romani pontificis: et Henrici quarti imperatoris: circa annum salutis nostre. octogesimum secundum. supra millesimum: cum in parisiensi civitate. solenne floretet studium: abundans tum multitudine scholarium. quam copiosa caterua doctorum solennium: in omni doctrinarum genere: tale in ea contigit horrendum et memorandum spectaculum. Quidam enim solennis doctor. inter ceteros doctores precipuus: scientia et moribus excellenter ornatus: ac pre ceteris honoratus: gravi quadam infirmitate preuenetus: lecto decubens. vite sue die clausit extremum. Cui cum solennes de more pararetur exequie: ad eum honorandum convenit. magistrorum. studentium. et aliorum civium: multitudo copiosa. Quibus comitantibus et funus persequentibus: defuncti corpus ad ecclesiam. in qua sepulture dandus erat: delatum est. Cumque ab inuitatis ecclesiasticis qui tunc aderant. defunctorum solitum decantaretur officium: cum veterum est ad eam lectione que incipit. Responde mihi: surrexit qui erat mortuus. Et elevato paululum capite: resedit in feretro. Cunctisque videtibus et audientibus: ac pre novitate rei stupentibus: alta licet horrenda voce. clamare cepit. et ait. Iusto dei iudicio accusatus sum. Quo dicto: iterum recubuit. Hi vero qui hec audierant et viderant: non modicum. nec immerito territi: decreverunt. consulte quidem et provide. sepulturam eius in crastinum differendam: rei exitum prestolantes. Die itaque sequenti. cum tantum spectaculum iam fuisset in tanta civitate vulgatum: ad dictam ecclesiam convenit maxima et quasi innumerabilis. utriusque sexus populi multitudo. Ubi reinceptis et inde continuatis exequiis: dum ventum est ad eiusdem lectionis initium: idem defunctus ut prius de loculo. in quo mortuus iacebat exiliens: dixit. Iusto dei iudicio: iudicatus sum. Et his dictis: intra feretrum. iterum se recepit. Unde crevit inter